

Insel Air Aruba:

Ta habri su di 11 vuelo directo pa Medellin

ORANJESTAD- Dialuna ultimo Aruba Airport Authority N.V. a celebra un otro logro cu Insel Air Aruba, esta e inauguracion di e ruta Aruba-Medellin-Aruba.

Esaki a sosode hunto cu partnernan den turismo y cu e Consul di Colombia na Aruba. Ta e intencion di e aerolinea Arubano pa habri

varios otro rutanan directo pa otro ciudadnan na Colombia, asina Tita Iglesias, Marketing Manager di Insel Air Aruba a splica. E vuelonan aki ta dirigi na facilita e trafico entre Aruba y e pais cu tin 30% di e mercado Latino Americano den e turismo di nos isla.

Jo-Anne Arends, Head Airline Marketing na Aruba Airport Authority N.V. a felicita Insel Air Aruba, refiriendo

na e ruta nobo como un destinacion hopi importante pa Colombianonan biahando pa Aruba pa vakantie y pa bishita famia, como tambe pa Arubianonan cu ta bishita Medellin pa vakantie of pa turismo medico. Esaki ta e di 11 destinacion pa Insel Air Aruba. Siman pasa Insel Air a cuminsa cu vuelo pa San Juan, Puerto Rico, un mercado cu a keda sin vuelo directo



pa mas of menos shete aña. Pa mas di 20 aña a maneha e mercado aki, transportando alrededor di 130 mil pasahero pa aña. San Juan ta e hub pa transportacion aereo mas grandi den Caribe; mas di ocho miyon pasahero ta uza e aeropuerto aki anualmente. Actualmente, Aeropuerto Internacional Reina Beatrix di Aruba ta un di e aeroportonan cu mas trafico den region Caribense, cu 31

aerolinea transportando mas o menos 2.3 miyon pasahero pa aña, principalmente for di Norte America, Sur America, Caribe y Europa. Ta remarcabel e desaroyo di rutanan potencial nobo pa Aruba, como tambe mantencion di rutanan existente di Insel Air Aruba.

Insel Air Aruba ta bula dos biaha pa siman riba e ruta Aruba-Medellin-Aruba, riba dialuna y diahuebs. □